



12 JUL, 2025

Data lepasan SPM dijual secara haram

Kosmo, Malaysia



Data lepasan SPM dijual secara haram

- Ejen bebas 'buat duit' menerusi penganjuran karnival, seminar
- Dagang nombor telefon, e-emel, ibu bapa turut terkena tempias

Oleh MUHAMMAD AYMAN GHAFFA dan SAFINA RAMLI

KOTA BHARU – Terkejut tiba-tiba dapat panggilan mengenai tawaran belajar di institusi pendidikan yang tidak pernah dipohon langsung.

Sejak beberapa tahun lalu, lepasan Sijil Pelajaran Malaysia (SPM) atau ibu bapa mereka se-

ring diujani pelbagai tawaran melanjutkan pelajaran selepas peperiksaan tingkatan lima itu.

Ibu bapa sendiri bingung bagaimana data peribadi mereka boleh diketahui pihak luar yang sepatutnya rahsia.

Maklumat peribadi lepasan SPM dijual pihak tertentu terutama kolej swasta yang berusaha mendapatkan pelajar.

» BERSAMBUNG DI MUKA 2



12 JUL, 2025

Data lepasan SPM dijual secara haram

Kosmo, Malaysia



Data lepasan SPM dijual secara haram

DARI MUKA 1

Mendedahkan perkara itu, Pen-syarah Kanan Fakulti Sains Kom-puter dan Matematik, Univer-siti Teknologi Mara Kampus Kota Bharu, Prof. Madya Dr. Syerina Azlin Md. Nasir berkata, biasanya ejen bebas itu memperoleh data pelajar melalui karnival pendidik-an, program dan seminar ber-bentuk pendidikan yang disertai calon SPM atau Sijil Tinggi Perse-kolahan Malaysia (STPM).

Katanya, menerusi program itu, ada ejen tidak bertanggung-jawab bertindak menjual nombor telefon, e-mel dan alamat pelajar kepada pihak-pihak tertentu.

"Karnival dan program ini di-anjurkan secara sah. Bagaima-napun, ejen-ejen bebas yang tidak bertanggungjawab meng-gunakan peluang itu untuk 'men-curi' maklumat pelajar.

"Selain mencari maklumat pelajar, ejen-ejen itu turut bertin-dak sebagai pegawai pemasaran untuk IPTS dan kolej tertentu. Jadi, maklumat lepasan SPM dan STPM ini ibarat peluang berharga untuk mereka," katanya kepada Kosmo! baru-baru ini.

Menurut Syerina Azlin, pen-jualan data itu dibuat tanpa pengetahuan pihak penganjur.

Jelasnya, ejen tidak bertang-gungjawab itu dipercayai me-nerima komisen hasil penjualan data pelajar, namun tidak dapat dipastikan nilainya.

"Pada era moden ini, data peribadi seseorang amat ber-harga. Pelbagai perkara boleh dilakukan sama ada untuk kebaikan atau sebaliknya.

"Selain itu, ibu bapa dan pelajar juga boleh terjerat de-ngan tawaran pengajian melalui laman-laman web palsu yang di-reka untuk 'mencuri' maklumat secara dalam talian.

"Ini merupakan modus ope-randi pihak tertentu untuk 'me-



CALON SPM antara yang menjadi mangsa penjualan data peribadi oleh pihak tidak bertanggungjawab yang mendapatkan maklumat mereka menerusi penganiuran seminar dan program secara sah.

mancing' data pelajar. Maklumat peribadi juga boleh dikumpul melalui pendaftaran secara Google Form yang disediakan di laman web tersebut," katanya.

Beliau berkata, platform dalam talian yang mengan-tungi data pelajar turut berisiko digodam pihak tertentu me-nyebabkan berlakunya keboco-ran maklumat sekiranya sistem keselamatan belum kukuh sepe-nuhnya.

"Sehín itu, ada pihak tidak bertanggungjawab menjadikan media sosial sebagai platform untuk 'mencuri' maklumat peri-badi pelajar.

"Justeru, semua pihak dinasi-hatkan supaya berhati-hati seki-

ranya mahu berkongsi dan mem-buat hantaran di media sosial," katanya.

Sementara itu, Pengerusi Keil-muan Nasional Pulau Pinang, Azdy Mohd. Arshad menyifatkan tindakan pihak tertentu mem-peroleh data pelajar dan ibu bapa tanpa kebenaran sebagai pencerobohan privasi serius.

"Tindakan IPTS menghubungkan ibu bapa dan lepasan SPM secara langsung bagi mempromosikan pengajian bukan sahaja tidak beretika, malah jelas melanggar hak privasi individu.

"Tindakan sebegini sangat tidak bertanggungjawab. Ia melibatkan pencerobohan data peribadi dan satu bentuk je-

nayah siber yang sepatutnya su-dah lama ditangani dengan tegas oleh kerajaan.

"Saya sendiri pernah dihubu-ngi oleh beberapa IPTS untuk mempromosi kursus yang dita-warkan di situ," katanya.

Menurut beliau, isu penyalah-gunaan data peribadi bukan perkara baharu dan berlarutan sejak sekian lama, namun belum ada tindakan berkesan diambil oleh pihak berwajib.

Beliau tidak menolak ada pihak yang mengambil kesempa-tan mengaut keuntungan melalui penjualan data peribadi, termasuk maklumat pelajar sekolah dan ibu bapa.

"Ini bukan soal panggilan pro-

mosi semata-mata, tapi satu ben-tuk perniagaan data yang mem-bimbangkan. Jika dibiarkan, kita khuatir bukan sahaja nombor te-lefon, malah maklumat peribadi lain akan turut diperdagangkan," ujarinya.

Sehubungan itu, beliau meng-gesa kerajaan menambah baik dan memperkasa Akta Perlín-dungan Data Peribadi 2010 bagi mendakwa mereka yang terlibat dalam jenayah tersebut.

Tambahnya, Suruhanjaya Ko-munikasi dan Multimedia Ma-laysia dan Jabatan Perlindungan Data Peribadi perlu lebih proak-tif dalam memantau, menyiasat dan mengambil tindakan ke atas aduan yang diterima.



12 JUL, 2025

Data lepasan SPM dijual secara haram

Kosmo, Malaysia



SUMMARIES

• Ejen bebas'buat duit' menerusi penganjuran karnival, seminar • Dagangnombor telefon, e-emel, ibubapaturut terkenatempias

Oleh MUHAMMAD AYMAN CHAFFA dan SAFIN A RAMLI KOTA BHARU - Terkejut tibatiba dapat panggilan mengenai tawaran belajar di institusi pendidikan yang tidak pernah dipohon langsung. Sejak beberapa tahun lalu, lepasan Sijil Pelajaran Malaysia (SPM) atau ibu bapa mereka sering

dihujani pelbagai tawaran melanjutkan pelajaran selepas peperiksaan tingkatan lima itu.